

Низомов Анвар Нигматович

Самарқанд иқтисодиёт ва сервис институти

Мустақил тадқиқотчиси

Аннотация. Мақолада олий таълим муассасаларининг хизматларидан фойдаланувчи истеъмолчиларнинг таснифи, уларнинг олий таълим муассасалари билан муносабатлари, истеъмолчилар томонидан олий таълим муассасини танлаш омиллари таҳлил қилинган.

Калим сўзлар: олий таълим муассасалари, таълим, талаба, иши берувчи, истеъмолчи, таълим сифати.

Таълим тизимини ривожлантиришнинг асосий устувор йўналишлари ва замонавий сиёсий вазифалари қаторига таълим хизматлари истеъмолчиларини таълим тизими фаолиятини баҳолашлари ва уларнинг бу хизматлардан манфаатдорлигини ошириш муҳим аҳамият касб этади.

Замонавий иқтисодиётда истеъмолчи асосий роль ўйнайди, чунки меҳнат тақсимоти шароитида унинг кўплаб эҳтиёжларини қондириш истаги бозор талабини шакллантириш, товарлар ва хизматлар ишлаб чиқаришни рағбатлантириш учун асос бўлади. Бунда пировард натижа жамиятнинг прогрессив иқтисодий ривожланишидир. Айнан истеъмолчилар товарлар тўплами тўғрисида қарор қабул қиласидар, бу уларга фойдалилик кўринишида энг катта натижа олиш имконини беради [1].

Шу билан бирга, ўқитишининг ўзига хослиги ва туридан (бюджет ёки бюджетдан ташқари) қатъи назар, университетнинг мақсади ўз истеъмолчиларининг талаб ва эҳтиёжларини қондирадиган гуманитар (таълим) ишлаб чиқаришни амалга оширишдир [2].

Университет таълими, барча олий касбий таълим каби, бугунги кунда ахолининг таълимга бўлган эҳтиёжларини қондирадиган ва қуйидаги бозорларда фаолият юритадиган хизмат кўрсатиш соҳаси сифатида қаралади:
www.tadqiqotlar.uz

Ta'limning zamonaviy transformatsiyasi

- таълим хизматлари бозори сегментида фуқароларнинг таълим ва тарбияга бўлган эҳтиёжларини қондиришни таъминлаш;
- меҳнат бозори сегментида иш берувчилар ва мутахассислар эҳтиёжларини қондиришни таъминлаш;
- интеллектуал товарлар бозори сегментида истеъмолчиларнинг (мижозларнинг) янги билимлар, технологиялар ва юкори технологияли маҳсулотлардан қониқишини таъминлаш [3].

Мамлакатимизда олий таълим муассасалари (кейинги ўринларда – ОТМ) ва таълим олишни истовчилар сонининг ошиши кўпчилик ОТМларни турли янги таълим мутахассислеклари ва таълим йўналишлари дастурларини кенгайтиришни тақазо этиб келмоқда. Шунингдек ОТМлар мактаблар, лицейлар, профессионал таълим (коллеж, техникумлар) ҳам иш берувчилар билан интеграциянинг турли шаклларини жорий қилиб келмоқдалар. Бунда улар иш берувчиларда ОТМ кафедралари ёки ОТМларда иш берувчиларнинг инновацион ўқув марказларини очиб келишмоқда. Бундай ҳолатлар ОТМларнинг истеъмолчилар доирасини кенг ошириш имконини яратиб бермоқда. Юқоридагиларни ҳисобга олган ҳолда шуни таъкидлашимиз мумкини, ҳозирги кунда ОТМларнинг таълим хизматлари истеъмолчилари доираси қўйидагилардан ташкил топмоқда, жумладан, давлат (жамият), талабалар, тингловчилар, мустақил изланувчи ва докторантлар (олий таълимдан кейинги таълим), абитуриентлар, иш берувчилар, шунингдек, таълим олувчиларнинг ота-оналари. ОТМларнинг истеъмолчилар билан муносабатларни ташкил этишда уларнинг ўзига хос хусусиятларини ҳисобга олиш муҳим саналади. Уларнинг айримларига тўхталиб ўтсак.

ОТМларда талабаларни истеъмолчи сифатида ўрнини аниқлашда улар томонидан бажариладиган бир нечта асосий функцияларни аниқлаш имконини беради.

Биринчидан, талаба ОТМ томонидан кўрсатиладиган хизматларнинг ички истеъмолчисидир, иккинчидан таълим жараёнининг ажralmas иштирокчisi, яъни улар ўқув жараёнида фаол иштирок этишади, маълум

Ta'limning zamonaviy transformatsiyasi

кўнишка, қобилият ва мотивацияга эга бўлишлари ҳам керак, учинчидан эса улар педагогик технологияларнинг (ўқитиш усуллари) ички истеъмолчилари ҳисобланишади.

ОТМ ва талабалар ўртасидаги муносабатлар жуда хилма хилдир, уларни ОТМ ҳаётининг барча жараёнларига жалб қилиш мумкин. Шунингдек, ўқиши давомида улар ОТМнинг қўшимча пулли хизматларидан кенг фойдаланишлари ҳам мумкин. Қолаверса истиқболда уларнинг ҳаётдаги, ишдаги ютуқлари ОТМлар учун самарали ўзаро алоқаларни ўрнатиш имкониятлари ҳам бериши табиийдир.

Кейинги истеъмолчилар гуруҳи бу мустақил изланувчилар ва докторантлардир. Ҳозирги кунда улар кам ўрганилган истеъмолчилар гуруҳини ташкил этади. Қолаверса ҳамма ОТМларда ҳам олий таълимдан кейинги таълим шакллари мавжуд эмас, бунга кўплаб объектив ва субъектив омиллар ўз таъсирини кўрсатиб келмоқда.

Шунингдек, ОТМларда олий таълимдан кейинга таълим шаклининг мавжудлиги ОТМ учун жуда кўплаб муаммоларни ҳал қилиш имкониятини бериши ҳеч кимга сир эмас. Шунингдек, улар ОТМнинг истеъмолчилари сифатида катта аҳамиятга эгадирлар. Уларни ОТМга жалб қилиш учун улар талабларига (кутубхона, ётоқхона, ОТМнинг ихтисослик шифри бўйича кенгаши, ОТМ илмий-тадқиқот журнали, пулли кутубхоналарга кириш имконияти ва бошқалар) жавоб бериш катта қийинчиликларни тўғдиради. Бунда уларни иккига бўлган ҳолда қараш муҳим саналади. Агар мустақил изланувчи ва докторант ОТМнинг ўз ходимлар орасида бўлса уларга келажакда ОТМ учун фойда келтириш мақсадида иш жойларини таклиф этиш бўлса, иккинчи томондан улар ташқи бўлишлари ва келажакда ОТМ учун янги ҳамкорлик имкониятларини очиб бериши мумкин бўлади.

Иш берувчиларнинг ОТМ хизматларидан истеъмолчи сифатида фойдаланишни икки жабхада кўриб чиқиш мумкинdir. Биринчидан барча ОТМлар учун иш берувчилар улар хизматларининг иккиласми истеъмолчиси сифатида намоён бўлади, айrim ҳолларда улар кадрлар

Ta'limning zamonaviy transformatsiyasi

буортмачиси сифатида ҳам майдонга чиқиши мумкин, буни ҳам утунмаслигимиз керак. Иккиламчи истеъмолчи сифатида иш берувчи ОМТ битирувчиларига сифат жиҳатидан баҳо бериш имкониятига эгадир. Шу сабабли ОТМлар ўзларининг хизматларининг баҳосини айнан истеъмолчиларнинг қониқишидан келиб чиқиб белгилашади. Иккинчидан, ишберувчилар ОТМларнинг илмий-тадқиқот ва тажриба-конструкторлик ишларининг буортмачилари сифатида ҳам ОТМ хизматларининг истеъмолчилари сифатида қаралади. Бунда ОТМларнинг илмий ишланмаларни тижоратлаштириш фаолиятини муҳим саналади.

Абитуриентлар ОТМларнинг энг муҳим салоҳиятли истеъмолчилари сифатида қаралади. Сабаби улар ОТМлар тўғрисидаги мавжуд очик маълумотлар, меҳнат бозоридаги ҳолатни таҳлил қилган ҳолда, ўзларининг мойилликлари асосида у ёки бу ОТМни танлайдилар, провардида эса ОТМларнинг таълим маҳсулотларига талабни шакллантирадилар. Бошқа томондан эса ОТМ тижорат корхонасидан фарқли ўлароқ, чекланган таклифга эгалиги унга ўз истеъмолчиларини абитуриентлар орасидан танлашга имкон беради. ОТМ жамият ва иқтисодиёт эҳтиёжларининг ўсишига жавобан ўз хизматларини кўпайтириши, истеъмолчиларга янги мутахассисликларни ва ўқитиш профилларини таклиф қилиши орқали жавоб бериши мумкин бўлади.

Хозирги вақтда ОТМларга қабул қилиш тизимининг такомиллаштирилиши, салоҳиятли истеъмолчиларнинг барча қатламлари учун таълим хизматидан фойдаланиш имкониятининг ошиши, бозорда рақобатнинг кучайиши ҳисобига абитуриентларнинг ОТМларга таъсири кучайиб бормоқда. Шу сабабли, абитуриент учун курашга киришиб, ОТМ ўз таълим жараёнининг сифатини хавф остига қўяди, сабаби ҳозирги кунда ОТМлар орасидаги кучли рақобат малакали абитуриентни танлаш ўрнига тўлов лаёкатига эга абитуриентни танлашга асосланиб бормоқда, акс ҳолда ОТМларнинг таълим учун қилинган инвестициялари самарасиз бўлади, бу ҳолатни асосан биз хусусий ОТМлар мисолида кўзатишимииз мумкин

Ta'limning zamonaviy transformatsiyasi

бўлмоқда. Таъкидлаш жоизки, абитуриент унга ОТМ ва таълим дастурини танлаш имконини берувчи ахборот хизматларининг истеъмолчиси, ҳамда ОТМга тайёргарлик кўриш ва ўқишига кириш учун қўллаб-қувватловчи хизматлар истеъмолчиси ҳам ҳисобланади. Абитуриентлар билан муносабатларни самарали ташкил этилиши истиқболда уларни ОТМ талабалари тоифасига ўтишга билан боғлиқ бўлади.

Талабаларнинг ота-оналари ўз фарзандларига таълим жараёнида контракт ва бошқа кўринишидаги моддий ёрдамларни кўрсатиб келишади. Шу сабабли ота-оналар бевосита бўлмаса ҳам билвосита ОТМ хизматларининг истеъмолчилариидир. Шунингдек, абитуриентларни тўғри касбга йўналтириш, улар танловига таъсир этишида катта аҳамият касб этади, ҳамда ота-оналар, талабаларнинг ОТМларга киришда ахборот хизматлари ва қўллаб-қувватлаш хизматларининг истеъмолчилари ҳисобланадилар.

Талабалар билан бир қаторда ОТМ ходимлари ҳам хизматларнинг ички истеъмолчилари сифатида қарабади. Улар ОТМнинг хизматларидан тўлақонли фойдаланишади, ундан ташқари бундай ҳамкорлик ҳамиша ўзаро манфаатли шаклда ривожланиб келган. Ҳар бир ОТМ ўз ходимлари орасида ҳар томонлама етук шаклланган ходимни кўришни истайди, сабаби бундай ходимларнинг мавжудлиги таълим сифатини бевосита белгилаб беради. Иккинчи томондан эса ҳар бир ишчи ҳар томонлама яхши бўлган ОТМда ишлашни хоҳлайди, ОТМ рейтинги ва нуфузи айрим ҳолларда ходимларнинг салоҳиятини баҳолашга асос бўлиб хизмат қиласди.

Шундай қилиб, ОТМ хизматлари истеъмолчиларининг барча гуруҳлари у билан анъанавий “маҳсулот-пул” муносабатларидан анча кенгроқ бўлган мураккаб муносабатларга эга эканлигини кўришимиз мумкин. Таълим хизматларини кўрсатиш жараёnlарининг барча бевосита ва билвосита иштирокчилари бу талабаларнинг ўzlари, уларнинг яқинлари, ОТМ ходимлари, иш берувчилар талабанинг малакаси, касбий онги ва шахсий фазилатларини ривожлантириш жараёнига ҳисса қўшадилар. Шу боис ОТМ уларнинг талабларини лозим даражада қондириш билан

Ta'limning zamonaviy transformatsiyasi

биргаликда, уларни етук кадрлар, жамият учун наф келтирувчи шахс сифатида етишиб чиқишига ўз ҳиссасини қўшиши керак бўлади.

Фойдаланган адабиётлар рўйхати.

1. Н.В.Василенко (2016) Потребительский выбор и его особенности в сфере образования. Международный журнал прикладных и фундаментальных исследований № 3, Стр 141-143.
2. Л.С.Гринкруг, Б.Е.Фишман, Б.С Кузьмина (2007) О неоднозначности смысла принципа «ориентация на потребителя» в образовании. Материалы IV научной международной конференции «Современные проблемы науки и образования», Хорватия (Пула), 7-14 июля. Стр. 96-98
3. А.А.Русанова (2012) Роль потребительского мониторинга удовлетворенности образовательными услугами в ВУЗЕ. Дискуссия журнал научных публикаций № 3 (21) МАРТ. 82-89 стр.